



## МЕСЯЦА ОКТЯБРЯ В 18-Й ДЕНЬ

### Святаго апостола и Евангелиста Луки́

#### НА ВЕЧЕРНИ

Блажен муж: 1 антифон.

На Господи, возвах: стихиры на 8, глас 8.

Подобен: Что вас наречем:

**Что** ты ныне нареку, апостоле:/ небо, яко Славу Божию поведал еси,/ блистание, яко мир озаряеши светом,/ облак, одождяющъ Божественныя воды,/ чашу мудрости Божественнейшую,/ вино нам источающую, сердца веселящее./ Моли спастися душам нашим.

**Что** ты ныне нареку, Богоприятне,/ кивот златый Завета, егоже завецá Христос,/ реку, из рая истекающую нам,/ свети́ло, умный свет просиявающее,/ светильник, Церковь всю осиявающий,/ хлеб жизни Божественныя трапезы,/ крати́р\* духовнаго пива./ Моли спастися душам нашим.

**Что** ты ныне, Боговидче, наречем,/ служителя тайн дѣлательнейшаго Христовых,/ Скинии мысленныя началохудобника мѹдра,/ скрижа́ли изсекающаго благодати,/ закон написавшаго новейший,/ от Сиона происходящий/ и тобою проповедуемый./ Моли спастися душам нашим.

**Что** ты ныне наречем, славне,/ сокровище Небесных даров твердое,/ врача душ и телес

\* кратир— чаша, сосуд.

извѣстна, / Павлова содейственника и со-  
шественника, / деянія апостольская излагающа. /  
Многая, Лукó, имена добродетель тебе сотвори. /  
Моли спастися душам нашим.

**Что** ты ныне, Богоглаголиве, провещая, / уче-  
ника, яко нам благовествовал еси Христа, / вра-  
ча, яко страсти исцеляеши душевныя, / светиль-  
ника, умный свет облиставшаго, / степень и осно-  
вание веры, / ты бо нам написал еси всечестное  
Евангелие. / Моли спастися душам нашим.

**Что** ты ныне нареку, чюдне, / зрителя мудрости  
учений нелжива, / списателя Деяний апостоль-  
ских учений, / или столпа благочестия  
непоколебима, / или стену Церкви  
неразрушимую. / Многая твоя, Луко, имена / и  
большая дарования. / Моли спастися душам  
нашим.

*Слава, глас 6. Анатолия:*

**Апостоле** Христов, и Божественных догмат  
списателю, / и церковное утверждение: / ты яко  
истинно сущия во мраце невѣдения сердца, /  
зашедшая во глубинѹ отчаяния, уврачил еси  
Боговещаньми / и спасл еси яко от бури  
треволнения, / последователь быв сосуда избран-  
наго, Павла, и ученик. / Тем молим тя, Лукó  
досточудне, Антиохіаном удобрение, / молися  
Спасу и Богу / о иже верою совершающих прис-  
но честную память твою.

**И ныне, Богородичен:** Кто Тебе не ублажит:

*Вход. Прокимен дне и чтения три, и лития (зри сего месяца  
в 6-й день).*

*На стиховне стихиры, глас 5.*

*Подобен: Радуйся, постников:*

**Благодать** устнам твоим, Лукó, / огненным язы-  
ком излияся, апостоле, / и язык огненный пока-  
зался еси, / слова испущая света, / света до-  
стойным проповеданием; / стрѣлы же палящия  
тьмы желающим, / пиша и уча честное  
Евангелие, / и воня жизненная Жизни воистинну  
хотящим явился еси, / якоже Павел рече, егоже  
имел еси учителя: / воня же смерти паки Жизнь

не возлюбившим./ Но нам мир, и Жизнь, и свет подаждь, и велию милость.

**Стих:** Небеса́ повѣдают славу Божию,/ творение же руку́ Его возвещает твердь.

**Позна́хом** от словес твоих,/ якоже рекл еси, словес утверждение,/ яже рекл еси, Божественне тайнниче,/ понѣже писати нам о вѣщех начал еси,/ о нихже извещѣн был еси,/ и якоже тебе предáша, иже испѣрва самовидцы;/ имже и ты равен был еси, служитель Слова воплощѣния,/ Егоже по востании во Еммау́се видел еси/ и горящим сердцем с Клео́пою хлеб ял еси./ Того Божественныя теплоты́/ и наша чтущих тя дѹши исполни.

**Стих:** Во всю землю изы́де вещание их/ и в концы вселенныя глаголы их.

**Радуйся**, един, написавый нам, еже радуйся,/ радуясь, Чистыя Благовѣщение/ и Сию Гбсподородительницу,/ рекша Крестителя из чрева,/ егоже написав, и зачатие, и Слова воплощение,/ искушения же и чудеса, словеса и Страсти,/ Крест и смерть, и Востание,/ еже видел еси, и Восход,/ Духа же Сошествие,/ проповедник же деяния,/ и изряднее же Павлова,/ егоже показался еси соше́ственник,/ врач же и таинник,/ и светильник Церкви, юже соблюда́й всегда.

**Слава, глас 6:**

**Всемудрый лóвче**, святы́й ученичѣ,/ дѣлателью Спасов и проповедниче Того Страстѣй,/ иже тварь верою претекий/ и от прѣлести язЫки собрав,/ и Богу привѣд, яко воню́ добру́,/ на Небеса пости́гл еси./ Тем, предсто́я Судии всех, молися/ избáвити ны от беззаконий наших/ и в день Суда свободи́тися от мѹки.

**И ныне, Богородичен воскресен:** Творец и Избавитель:

**Тропарь, глас 5:**

**Апостольских деяний сказáтеля**/ и Евангелия Христова свѣтла писателя,/ Лукѹ препетаго, славна сѹща Христове Церкви,/ песньми священными святаго апостола похва́лим,/ яко врача́ сѹща, человеческия нѣмоци,/ естества недѹги

и язи душ исцеляюща / и молящася непрестанно  
за души наша.

Слава, и ныне, Богородичен воскресен.

#### НА УТРЕНИ

На Бог Господь: тропарь дважды.

Слава, и ныне, Богородичен.

По 1-й стихологии, седален, глас 3:

Приидите вси, апостола Луку восхвалим, яко  
кормчия, / идольскую бо леть упраздни и к  
Свету жизни возведе, / и в Троицу веровати  
научи. / Темже днесь благочестно того почита-  
юще вернии, / славим Христа Бога нашего.

Слава, и ныне, Богородичен:

Радуйся, Марие, Дево Мати, / горб святая,  
Едемский раю, / из Неяже родися Христос Бог, /  
Безсеменное Слово, / Имже Жизнь миру  
прозябе.

По 2-й стихологии, седален, глас 3.

Подобен: Красоте девства:

Путешествовав ты по востании, Лукó  
всесвященне, / с Клеопою прочее во град  
Еммаус, / вопрошение творящу ти, предста Гос-  
подь образом прикровен, / абие же прием хлеба  
подание, познал еси Спаса: / Егоже моли дарова-  
ти нам велию милость.

Слава, и ныне, Богородичен:

Яко невозделанная, Дево, лоза, краснейший  
Гроздь прозябла еси, / источающ нам Вино  
спасения, / всех веселящее души же и телеса. /  
Темже яко вину Ты добрых блажаше присно, / со  
Ангелом вопием Ти: / радуйся, Обрадованная.

По полиелее седален, глас 4:

Премудрости ловительною тростию, умнаго  
моря глубину возчерпая, / из смертоносных глу-  
бинь верных души живоуловил еси, Лукó  
всеслаженне. / Темже от Павла научен, все очи-  
стил еси твое сердце осиянием Духа / и догмата-  
ми твоими языки просветил еси, / страстей недуг-  
ования чудесы исцелил еси, / Христа Бога за ны  
присно моля / спастися душам нашим.

Слава, и ныне, Богородичен:

**Имѹще Тя, Богородице, упование и предстательство, / вражих навѣт не убоимся, / яко спасаеши души наша.**

Степенна, 1-й антифон 4-го гласа. Прокимен, глас 4: **Во всю землю: Стих: Небеса поведают: Всякое дыхание: Евангелие от Иоанна, зачало 67.**

По 50-м псалме стихира, глас 3:

**Путеходѣв ты по Востании, / Лукѹ всесвященне, со Клебѹю / во град убо Еммаѹс, / совопрошѣние творящу ти предстѹ Господь, / зраком непознаваемый, / абие же, прием хлѣба подаѣние, / познал еси Спасителя, / Емуже молися даровати нам велию милость.**

Канон Богородицы со ирмосом на 6  
и апостола на 8, глас 8.

Песнь 1

**Ирмос: Песнь возснем, людие, / Чѹдному Богу нашему, / свободившему Израила от работы, / песнь победную поюще и вопиюще, / поѣм Тебе, Единому Владыце.**

**Колесница Бѹжия пресветлая был еси, / Все-святое нося Имя пред человеки, Лукѹ всечѣстне, / колесницы и тристѹты прѣлести погружая крепко.**

**Стрюю приѣм жизни, знѣем изсыхаемый безбожия, напоил еси мир, Лукѹ всеблаженне, / тучами Богоразумия, / из чрева твоего изскачущими.**

**Блистанием Духа, Лукѹ, и жития чистотою озаряем, / яко молния, треблаженне, Богоданно сиял еси всей вселенней, просвещая верных сердца.**

Богородичен:

**Радуйся, всесвятый храме, руно Богорѹсное, / запечатанный источниче безсмертныя Струи, / стадо Твое, Владычице, сохраняй от всех рѹтных непленимо.**

Катавѹсия: **Отвѣрзу уста моя:**

Песнь 3

**Ирмос: Несть свят, яко Господь, / и несть праведен, яко Бог наш, / Егоже поет вся тварь: / несть праведен, паче Тебе, Господи.**

**Возсияв, яко солнце, проповеданием, / Церкви украсил еси, Лукó, утверждение, / прелести мглу теплою веры истáив, всеблаженне.**

**Скрижáли изсекл еси Боголепныя от кáмене, пребогате, Божия воплощения, / оскóрд\* имея Божественный язык твой и устá Богодухновенная.**

**Во óблак всесветлый входяй / и óблаком покрываемь, / приял еси, премудре, Новый Закон, / пёрстом Духа пíсанный на сердцы твоём.**

**Богородичен:**

**Несть непорóчны, яко Ты, Владычице, / и несть пречисты, паче Тебе, Всенепорóчная: / во чрёве бо Бога Слова вместила еси, / Единого Многомилостиваго.**

**Седален, глас 8.**

**Подобен: Премудрости:**

**Яко сошéственник Павлов явився, / различные беды терпеливне претерпел еси, / всехвальне Господень апостоле, / и течение страданием совершив веры, / с ним в вышних веселишися, блаженне. / Тем и миру Христова Евангелие проповедав, / просветил еси подсолнечную всю, Лукó всечестне. / Моли Христа Бога грехов оставление подáти празднующим любовью святую память твою.**

**Слава, и ныне, Богородичен:**

**Солнца óблаче разумнаго, / Божественнаго Света светíльниче златоковáнный, / Нескверная, Неблázная, Всенепорочная Владычице, / омрачённую дúшу мою ослеплением страстéй / безстрастия зарею просвети, молюся, / и осквернённое мое сердце омýй потóки умиления, / покаяния же слезами, / и от тимéния\*\* мя очисти дел моих, да любовью зову Ти: / Богородице Приснодево, моли Христа Бога / прегрешений оставление подати ми, / Тебе бо имею надежду, раб Твой.**

**Песнь 4**

**Ирмос: Из горы приосенённая, Слове, пророк, / Единная Богородицы, / хотяща воплотитися, Боговидно усмотри / и со страхом славослóвяше силу Твою.**

\* оскорд — секира. \*\* тимение — тина, грязь, скверна.

**Море языков смутил еси, Богомудре, / конь быв Всецаря, / сланое\* невёрстие солию Божественною ослаждая, приснославне.**

**Лук Христос напярэг, / пусті стрелу́ тя, Лукó, свѣтло обоцрѣну, / лучами сияюща благочестия и просвещающа наша души.**

**Страсти душ кúпно и телес твоих певцев уврачй, всеблаженне, / та́инственным рукодѣланием, / грехá гнйлость изрезауя, всемудре.**

**Богородичен:**

**Невесто Божия, Марие Богородительнице, / избави мя лютых прегрешений и бед / и к тишины́ пристанищу и спасения Твоими молитвами направи.**

### Песнь 5

**Ирмос: Утренююще вопием Ти, / Господи, спаси ны, / Ты бо еси Бог наш, / разве Тебе ино́го не ве́мы.**

**Яко роса с Небес спа́дающи, явился еси, / прѣлести зной разоряя словесы́ твоими.**

**Страх во чреве твоём Божественный зачѣн, / спасение породил еси заблуждшим, апостоле.**

**На гору возшед, всеблаженне, добродетелей, / всем Евангелие Царствия проповедал еси.**

**Богородичен:**

**Марие, Богородице Безневестная, / надежды врагов суетны сотвори / и поющия Тя возвесели.**

### Песнь 6

**Ирмос: Ризу мне подаждь свѣтлу, / одеяйся Светом, яко ризою, / Многомилостиве Христе Боже наш.**

**Мудрости чашу испив, / напоил еси всех познания Спаса Христа, / Лукó всемудре.**

**Павлу соисходник избрався, Лукó всеблаженне, / языки уловил еси мре́жею, Богоглагольниче, / догматов твоих.**

**Облак, тучу жизни нам одождяющь, явился еси, апостоле, / от истóчник спасения истекающую.**

**Богородичен:**

**Кумиров Разрушитель яко Бог / бывшее Рождество Твое, Марие Богоневесто, / поклоняемо есть со Отцем и Духом.**

\* сланое — соленое.

Кондак, глас 2.

Подобен: Твердыя:

**Истиннаго благочестия проповедника / и таин неизреченных рѣтора, / звезду церковную, Лукѹ Божественнаго восхвалим: / Слово бо его избрѹ, с Павлом мудрым языков учителя, / Един ведый сердечная.**

Икос:

**Знанием обогатѣлся Гóрнейшим от руки Владычни, / вручен был еси языков жребииоимѹществу, всехвальне. / Тем, житие распалив Словом, странѹм законоположник, Лукѹ, явился еси, паче Моисея: / перстом Божиим, яко скрижали Богоначертанныя, тобою сложѣвшася Духом, Божественную уяснил еси веру. / Тем и Христос тя прослави, Един ведый сердечная.**

Песнь 7

**Ирмос: Отроцы Богочестивии в Вавилоне / образу златѹму не поклонѣшася, / но посреде печи огненныя орошѣеми, / песнь воспевашу, глаголюще: / превозносимый отцев и нас Боже, благословен еси.**

**Ученик неизреченных таин Христа Бога верен быв, / Евангелие Сего Божественное проповедал еси верным, всемудре, глаголющим: / превозносимый отцев и нас Боже, благословен еси.**

**Утворенни добродетелей украшен явился еси, Лукѹ всеблаженне, / Божественнаго благолепия зарѣями просвещаемъ, / и вопѣя непрестанно Творцу твоему: / превозносимый отцев и нас Боже, благословен еси.**

**Испущая светоносныя лучи, якоже в нощи заря являемъ, / прѣлести тьму сиянием словес твоих, / благочестно взывая, отгнал еси: / превозносимый отцев и нас Боже, благословен еси.**

Богородичен:

**Имея житиѣ, словом, Боговидче, мудрости просвещено, Лукѹ, / Девы Рождество явственнo исписал еси и иконами любезно вообразил еси: / Ейже покланяемся верно, Христа славяще.**

Песнь 8

**Ирмос: На горе святей прославльшася / и в купинѣ огнем / Приснодевы Моисеови тайну явльшаго, / Господа пойте / и превозносите во вся веки.**



**Росодательною мудростию словес твоих / и тучами благодати Божественныя прелести пещь погасил еси, / вестник Господень и священнопроповедник, Богомудре, быв.**

**Яко красныя ноги твоя, всеблаженне, / мир благовествующаго, / всяк ум преизвестно преимущь, / Егоже превозносим и славословим во веки вся.**

**Свет мира просвещати во тьме седящия / явля ты Христос, Отца Существа Сияние, Господь Славы, / Егоже превозносим во веки.**

**Богородичен:**

**Во утробе вселившагося Девы / и от Нея страшно и паче слова / древняго Адама обновившаго Господа поем и славословим во веки.**

### Песнь 9

**Ирмос: Тя, Неискусобрачную Матерь Бога Вышняго, / Тя, паче ума рождшую Словою воистину Бога, / вышшую Пречистых сил, / немолчными славословлении величаем.**

**Проповедник был еси всемирнаго спасения Евангельским проповеданием, / священная же и благознаменитая труба, / вдохновением дышущи Духа, показался еси, / священноглагольниче всечестне.**

**Деянии украшаемъ Спасовых апостолов, / сия от Бога подвижим, верным написал еси, / якоже образ одушевленный, присно пребывающь, объявив, / священнопроповедниче всеславне.**

**Стал еси убо, Лукó, якоже постиг, Богоначальниче, желаний крайнейшее, / Христу бо предстал еси, / подаемаго от Него насыщаяся Боговидения. / Темже ты вси ублажаем.**

**Богородичен:**

**Тя, Неприступнаго Бога носившую на объятиих, / на Небесех поемаго от всякия силы / и Тобою нам дарующа всегда спасение, / Богоматри, величаем.**

**Светилен.**

**Подобен: Со ученики:**

**Лукó, Христов апостоле, тайнниче неизреченных и языков учителю / с Павлом Божественным и Пречистою Богородицею, / Еяже Божественную икону от любви изобразил еси, / моли, Бого-**

видче, о нас, блажащих тя/ и совершающих священное твое успение, всеумудре тайноглагольниче.

**Слава, ин.**

**Подобен: Духом во святѣлици:**

**Я**ко ученика благодати и спослѣдователя Павлова,/ и словописца изыщнейша Божественнаго Евангелия похвалим;/ Слова бо воплощение и вочеловечение, и Страсти, блаженне, проповѣдал еси./ Тем сошедшеся верно, Лукó, достойно ты почитаем.

**И ныне, Богородичен:**

**Н**еизреченно бысть рождение Пренепорочныя Невесты,/ яко бывши чистейший храм, Богородице,/ Советом бо Превечным в Тя Всельшася,/ родила еси Бога Сло́ва./ Тем поюще Рождество Твое,/ величаем достойно, Всенепорочная.

**На хвалитех стихиры, на 4, глас 1.**

**Подобен: Облак Тя света:**

**Х**ристова ученика, Евангелия списателя мудрейша,/ сосуда избранна красна,/ образ одушевлен, вернии,/ егоже во всех церквах похвала,/ Лукú апостола в пѣснях почтим,/ той бо проповѣда Божия преславная чудеса,/ просветив яже на земли Богословия лучами,/ благодати ра́ди.

**Д**уш врачевствú, паче телес научився хитрости, мудре,/ и обоюду вседобр показался еси,/ Божию мудростию вдохновен;/ еуже врачуя души же и телеса, Лукó всеблаженне,/ призываеши к познанию, восперяеши к желанию Божию,/ человеки всегда возводиши на Небо,/ и о всех молишися, восхваляющих тя.

**У**дицею словесною,/ яже во глубинѣ неведения,/ яко рыбы, внутрь вшедшия,/ привлекл еси к познанию Божию;/ Христу пищу добру́ принесл еси, всеблаженне,/ честь досто́блжнующую, жизнь нетленную, Лукó священнейший./ Тем и апостол Христов был еси, мудрый благовестник,/ сказатель дѣятельных дел благодати.

Глас 8. Леонта магистра:

Приидите, вся тварь, / истинно врача  
духовнаго / и Спасова ученика, Луку  
приснопамятнаго, / песньми похвалим: / сей бо  
безбожия недуг / помазанием Христовы купели  
уврачевá, / и река́ми Боготочных вод от уст, /  
одушевлéнная сéла Евангелия напо́й. / Тем изы́де  
пророчески вещáние его во вселенную, / и мо́лит-  
ся спасти́ся душáм нашим.

Слава, глас тойже:

Давидски, сошедшеся, вернии, / в пёснях тай-  
ному витии Сло́ва, Луце воззовем: / язык твой  
трость писменника явися, / Христа Скорописца  
украша́я зра́ки, / к разуму языков Божественнаго  
позна́ния; / в немже проповéдал еси Евангелие / и  
кúпно апостолов Деяния списáв. / Тем, предстоя  
Троице и Богу, / моли́ся о душах наших.

И ныне, Богородичен:

Владычице, прими́ молитвы раб Твоих / и  
избáви нас / от всякия нúжды и печали.

Славословие великое и отпуст.

На Литургии: Блаженны, от канона апостола песни 3-я и  
6-я. Прокимен, глас 8: Во всю землю изы́де вещáние их и в  
концы вселенныя глаголы их. Стих: Небеса пове́дают  
славу Божию: Апостол к Колоссáем, зачало 260, от полу.  
Аллилуия, глас 1: Исповéдят Небеса чудеса Твоя, Господи:  
Евангелие от Луки, зачало 51. Причастен: Во всю землю  
изы́де вещание их:



В  
ТОЙЖЕ  
ДЕНЬ

**Преподобнаго Иосифа Волоцкаго**

Службу зри 9 сентября.

Тропарь, глас 5:

Яко постников удобрение и отцев красоту, /  
милости подателя, разсуждения светильника, /  
вси вернии, сошедшеся, восхвалим / кротости  
учителя и ересей посрамителя, / премудраго  
Иосифа, Российскую звезду, / молящася Господу /  
помиловатися душáм нашим.

Кондак, глас 8.  
Подобен: Взбранной:

**Ж**ития треволнения, и мятеж мирский, / и  
страстная възграна в ничтоже вменив, / пу-  
стынный гражданин показался еси, / многих быв  
наставник, Иосифе преподобне: / монахов собра-  
тель и молебник верен, / чистоты рачитель, / моли  
Христа Бога спастися душам нашим.

Молитва

**О** преблаженне и приснославне отче наш  
Иосифе! Вѣдуще твое великое к Богу дерзнове-  
ние и ко твоему твердому заступлению прибега-  
юще, в сокрушении сердца молим тя: озари нас  
светом дарованная тебе благодати и молитвами  
твоими помози нам бурное море жития сего  
безмятежно прейти и пристанища спасения неб-  
лазненно достигнути. Се бо, суетными поработе-  
ни суще, грехолюбиви же и немощни от обышед-  
ших нас зол возникнути являющесе, к кому  
прибегнем, аще не к тебе, явившему неоскудева-  
емое богатство милости в земнем житии твоём.  
Веруем же, яко и по отшествии твоём множайшее  
стяжал еси дарование, еже о бедствующим мило-  
сердовати. Темже убо ныне, к тебе прибегающе,  
умиленно просим тя, святче Божий: сам искушен  
быв, помози и нам искушаемым; постом и бдени-  
ем поправый силу демонскую, и нас от нападе-  
ний вражиих защити; препитавый гладом поги-  
бающия, и нам испроси у Господа изобилие  
плодов земных и вся ко спасению потребная;  
посрамивый еретическая мудрования, Церковь  
Святую от ересей и расколов и смущений молит-  
вами твоими огради, да тожде мудрствуем вси,  
единым сердцем славяще Святую, Единосущную,  
Животворящую и Нераздельную Троицу, Отца, и  
Сына, и Святаго Духа во веки веков. Аминь.

